

Siunnersuut: Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut akiliuteqartarneq pillugu Namminersorlutik Oqartussat nalunaarutaat nr. xx, xx 2009-meersoq.

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut pillugit Inatsisartut peqqussutaanni nr. 10, 5. december 2008-meersumi § 5, imm. 1 naapertorlugu aalajangersarneqarpoq.

Akit

§ 1. Kommunalbestyrelsip meeqqat meeqqanut suli atualinngitsunut ulluunerani neqeroorutiniinnerinut ukiup tulliani akiliutissat kingusinnerpaamik novemberip qaammataani aalajangersassavaat.

Imm. 2. Akit aalajangersarneqassapput kommunit meeqqanut suli atualinngitsunut ulluunerani neqeroorutitut ukiumut aningaasartuutissatut missingersuusiat aamma akiliisussaatitaasut aningaasaqarnikkut atugarisaat tunngavigalugit, akiliisussaatitaasullu ukiumut isertitaat naapertorlugit aalajangiunneqassallutik.

§ 2. Kommunalbestyrelsip akit meeqqanut 0-imiik 2-nut aamma 3-niit 6-inut ukiulinnut assigiinngitsut aalajangiussinnaavai.

Imm. 2. Sunngiffimmi sammisaqartitsinerup aaqqissugaanera pillugu Inatsisartut inatsisaata akuersissutigineqarnissaata tungaanut, tak. Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut pillugit Inatsisartut peqqussutaanni nr. 10, 5. december 2008-meersumi § 31, imm. 3, meeqqat fritidshjemminiinnerinut akit immikkut aalajangersarneqarsinnaapput..

Imm. 3. Kommunalbestyrelsip kommunimi illoqarfinni nunaqarfinnilu akit assigiinngitsut aalajangiussinnaavai. Taamaattoq illoqarfiup nunaqarfiulluunniit ataatsip iluani meeqqeriviit ataasiakkaarlugit assigiinngitsunik akeqartussanngorlugit aalajangersaasoqarsinnaangilaq.

Imm. 4. Kommunalbestyrelsip angerlarsimafinni paarsinermut kommunip aaqqissugaanut immikkut akiliuteqartarnissaq aalajangiussinnaavaa.

Imm. 5. Kommunalbestyrelsip meeqqat sapaatip-akunneranut nalunaaquttap-akunneri 25-t tikillugit meeqqanut suli atualinngitsunut ulluunerani neqeroorutiniittartut affaannarmik akeqarnissaat aalajangiussinnaavaa.

§ 3. Akit skala ataaniittoq malillugu aalajangerneqartassapput:

Isertitarisartakkat:	Inissamut ataatsimut aningaasartuutit %-iat	
	% minnerpaamik	% annerpaamik
99.999 kr. tikillugit	0	5
100.000 – 109.999 kr.	5	6
110.000 – 119.999 kr.	5	7
120.000 – 129.999 kr.	5	8
130.000 – 139.999 kr.	5	10
140.000 – 149.999 kr.	5	15
150.000 – 174.999 kr.	10	20
175.000 – 199.999 kr.	10	25
200.000 – 224.999 kr.	10	30

225.000 – 249.999 kr.	10	33
250.000 – 274.999 kr.	10	35
275.000 – 299.999 kr.	10	37
300.000 – 324.999 kr.	10	39
325.000 – 349.999 kr.	10	41
350.000 – 374.999 kr.	10	43
375.000 – 399.999 kr.	10	45
400.000 – 424.999 kr.	10	47
425.000 – 449.999 kr.	10	49
450.000 – 474.999 kr.	10	51
475.000 – 499.999 kr.	10	53
500.000 – qaangerlugillu	10	55

§ 4. Akiliisussaatitaasut , tak. § 5, kommunalbestyrelsip § 1, imm. 1 naapertorlugu aalajangiinerata kinguninngua, akit annertussusaat pillugu ilisimatinneqassapput.

Akiliisussaatitaaneq

§ 5. Akiliisussaatitaapput meeqqap inuit aqqisa allattorsimaffiat naapertorlugu najugaqarfigisaa imaluunniit najugaqarfigisai, taamaattoq takukkit imm. 2 aamma 3, kiisalu § 6.

Imm. 2. Meeraq ilinniarnermut assigisaanulluunniit atatillugu nalinginnaasumik najugarisami avataani najugaqarallarpap, akiliisussaatitaapput meeqqap nalinginnaasumik najugaqarfigisaa imaluunniit najugaqarfigisai. Meeqqap najugaqarallarfeqalernerata kingorna sumi nalinginnaasumik najugaqarfeqarnera nalornisigineqalissappat, akiliisussaatitaasut tassaassapput ataatsimoortumik naliisoqareerneratigut meeqqat nalinginnaasumik najugaqarfigisaa ilimagisariaqartut.

Imm. 3. Meeraq ilaqutariinni paarineqarpat paaqqinninnissamullu akuersissuteqartoqarsimappat akiliisussaatitaapput angajoqqaatut oqartussaatitaanermik pigisaqartoq.

Akiliiffiusussaannngitsumik ilaannakortumilluunniit akilimmik inissaq

§ 6. Meeqqanut suli atualinngitsunut ulluunerani neqeroorutiniittunut inissamik akiliiffiusussaannngitsumik tamakkiisumik tunniussisoqartarpoqer meeraq ulloq-unnuarlu paaqqinnittarfinniittunut imaluunniit pisortatigoortumik ilaqutariinni paaqqutarineqartunut.

§ 7. Meeqqanik inuusuttunillu ikiorsiisarneq pillugu Inatsisartut peqqussutaat naapertorlugu ikiuiniarluni suliniutinik aallartitsisoqarnissaanik aalajangiinnermut atatillugu kommunalbestyrelsi meeqqanut suli atualinngitsunut neqeroorutini inissamik akiliiffiusussaannngitsumik ilaannakortumilluunniit akiliiffiusussamik tunniussinissamik aalajangiinnaavoq.

Qatanngutiginnut akikillisaat

§ 8. Akiliisussaatitaasut meeqqap 15-it inorlugit ukiullip meeqqanut suli atualinngitsunut ulluunerani neqeroorutiniittartup aamma fritidshjemmiittartup ataatsip saniatigut meeqqanik allanik akiliissutassaqaqarunik meeqqamut angujullermut tamakkiisumik akiliisassapput, sinnerinullu affarmik akiliisassallutik.

Naatsorsuinermi tunngavissaq

§ 9. Meeqqanut ulluunerani neqeroorutiniittartunut akiliut aalajangerneqassaaq akiliisussaatitaasup imaluunniit akiliisussaatitaasut ukiumi isertitaqarfiusumi kingulliulluni naammassisumi isertitaat akileraaruteqaataasussat aallaavigalugit.

Imm. 2. Akiliisussaatitaasup imaluunniit akiliisussaatitaasut isertitat akileraaruteqaataasussat imm. 1-imi pineqartut allangorpata kommunalbestyrelsi kalerrissavaat.

Imm. 3. Meeqqanut sulii atualinngitsunut ulluunerani neqeroorutinit akiliutit kommunalbestyrelsip allangortissavai, tak. imm. 1. Taamaattoq taama pisoqannginnerani kommunalbestyrelsi isertitat akileraaruteqaataasussat imm. 1-imi pineqartut allanguutaat pillugit uppersaatissanik piniaqqaassaaq. Meeqqanut sulii atualinngitsunut ulluunerani neqeroorutiniinnermut akiliutit allangornerat qaammammik ataatsimik sioqqutsisumik nalunaarutigineqassaaq, qaammatillu aallaqaataaniit atuutilissalluni.

§ 10. Kommunalborgestypisip aalajangersinnaavaa, isertitat akiliutinut tunngavigineqartut, tassaassasut maannakkorpiaq isertitat, naleqqiussinikkut ukiumoortumik tamakkiisumik isertitatut naatsorsorneqartut, akiliisussaatitaasoq imaluunniit akiliisussaatitaasut isertitamikkut annertuumik allangortoqarnera uppersarsinnaappassuk.

Imm. 2. Akileraarusiisarnermi oqartussaasut aningaasarsianik akileraaruteqaataasussanik siusinnerusukkut annertussusiliisimangippata akiliisarnissaq pisassaaq siumoortumik nalunaarsuineq tunngavigalugu imaluunniit maannakkorpiaq isertitarisartakkat ukioq kaajallallugu isertitarisassatut naatsorsuussanut nalequssareerlugit..

Isertitat pillugit nalunaarut

§ 11. Meeqqap meeqqanut sulii atualinngitsunut ulluunerani neqeroorummut iserneranut atatillugu imaluunniit akiliisussaatitaasup allangorneranut atatillugu, tak. § 5, akiliisussaatitaasoq imaluunniit akiliisussaatitaasut isertitat pillugit allakkatigut kommunalborgestypisimut nalunaaruteqassapput.

Imm. 2. Isertitat pillugit nalunaarummut ilaassaaq kommunalborgestypisimut pisinnaatitsissut, meeqqap meeqqanut ulluunerani neqeroorutiniinnera tamaat kommunalborgestypisip akileraartarnermi oqartussaasunit akiliisussaatitaasoq imaluunniit akiliisussaatitaasut isertitaat pillugit paasiniaasinnaatinneqarneranik imaqartoq.

Imm. 3. Akiliisussaatitaasup imaluunniit akiliisussaatitaasut imm. 1-imi taaneqartutut nalunaaruteqanngippata, akiliutissaq qaffasinnerpaaq aalajangiunneqassaaq.

Akiligassat akilinngisat aamma ulluunerani neqerooruteqartarnermiikkunnaarsitsisarneq

§ 12. Akiliisussaatitaasoq imaluunniit akiliisussaatitaasut akiligassaminnik akilinngisaqalerpata, pineqartullu akiligassamik akilersornissaat pillugu isumaqatigiissusioqqullugit akiliinissamik eqqaasitsissummik tigusaqareersimappata meeraq pineqartoq perorsaanermik inerikkiartuutaasunik ulluunerani neqeroorutaasuniikkunnaartinneqassaaq, tak. § 13.

Imm. 2. Akiligassat akilinngisat tamarmik, akiliinissamik eqqaasitsissutit ullulerneraniit ullut 14-it qaangiutsinnagit akilerneqarpata, perorsaanermik inerikkiartuutaasunik ulluunerani neqeroorutaasuniikkunnaarsitsinermik aalajangiineq atorunnaassaaq.

Imm. 3. Akiligassanik akilinngisaqarneq pissutigalugu meeqqap perorsaanermik inerikkiartuutaasunik ulluunerani neqeroorutaasumiikkunnaarsittariaqarneranik akiliisussaatitaasumut imaluunniit akiliisussaatitaasunut nalunaaruteqarneq peqatigalugu isumaginninnermik suliaqartut kalerrinneqassapput.

§ 13. Meeqqamik perorsaanermik inerikkiartuutaasunik ulluunerani neqeroorutaasumiikkunnaarsitsinerit tamarmik minnerpaamik qaammammik ataatsimik sioqqutsisumik nalunaarutigineqartassapput qaammatip aallaqqaataani atuutilertussatut.

Atuutilersitsineq

§ 14. Nalunaarut manna 1. november 2009 atuutilerpoq. Ilutigalugu Meeqqat ulluunerani paaqqinnittarfiutaaniinnerinut kommunillu aqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu Namminersornerullutik Oqartussat nalunaarutaat nr. 18, 14. september 2006-meersoq atorunnaarsinneqarpoq.

Imm. 2. Meeqqat sulii atualinngitsunut perorsaanikkut inerikkiartuutaasumik ulluunerani neqeroorutinut akiliuteqartarnermut kommunalbestyrelsen 2010-mut aalajangiinnermini Meeqqat kommunip ulluunerani paaqqinnittarfiutaaniinnerinut kommunillu aqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu nalunaarut nr. 18, 14. september 2006-meersoq najoqqutarissavaa.

Grønlands Selvstyre, den XX.XX. 2009

Mimi Karlsen

/

Lise Lennert Olsen